

TEZAUUR LITURGIC
31 DECEMBRIE

ACATISTUL
SF. CUVIOS-MUCENIC
ZOTIC
DE LA
CONSTANTINOPOL



TBILISI, 2000



დაუჯდომელი საგალობელი წმიდისა მღვდელმოწამისა ზოტიკე ხუცესისა, ობოლთმზრდელისა

კონდაკი 1

გაქებთ შენ მღვდელობისა და მარტვილობისა
გვირგვინითა შემკულსა მოლუაწესა, დამეობ-გყოფთ
წინაშე ღმრთისა, რამეთუ გაქუს შენ კადნიერებაი მისა
მიმართ, აღაგზოს გულთაშინა ჩუენთა ცეცხლი
საღმრთოისა მოშურნეობისაი და მოგუანიჭოს სული
სიწმიდისა და კაცთმოყუარებისაი, რაითა კეთილად
ვმსახურებდეთ წმიდასა ეკლესიასა და ერსა, და
არცალა დავსცხრეთ ქებადდა გალობად შენდა:
გიხაროდენ, სიყუარულისათვის ღმრთისა და
ერთგულებისათვის მოყუასისათავისა თვისისა
დამდებელო, წმიდაო ზოტიკე ხუცესო!

იკოსი 1

ანგელოზთა მიმსგავსებული ცხორებაი აჩუენე
ქუეყანასა ზედა, და ქადაგებდი რაისარწმუნოებასა
ჭეშმარიტსა, მოიგე მაღლი მოწყალებისაი, და იწოდე
მამად ქურივ-ობოლთადა მოლუაწედ გლახაკთა,
ხოლო მღვდელობასა შეაერთენ რაი პატივი
მარტვილობისაი, ქრისტემანგადიდა შენ

საკვირველებითა შემდგომად სიკუდილისა, და
ვითარცა მხსნელი უმხურვალესი
ყოველთამომწოდებელთა შენთა გამოგაჩინა, აწ
ჩუენცა მეოხ გვეყავ წინაშე მისა, გუასხუროს
ცუარიმადლისა შენისაი, რაითა შეუძლოთ წინა-
აღდგომაი ბოროტისა და გაქებდეთ შენ
ძალისაებრჩუენისა:

გიხაროდენ, კეთილშუენიერად აღმობრწყინვებულო
ჭემმარიტო მსახურო მაცხოვრისაო;

გიხაროდენ, სარწმუნოო მღდელო ქრისტეს
ეკლესიისაო;

გიხაროდენ, გამოუკვლეველო უფსკრულო
სიმდაბლისა და სიყუარულისაო;

გიხაროდენ, დაუმრეტელო ზღუაო
კაცთმოყუარებისაო და უმურველო წყაროო
მოწყალებისაო;

გიხაროდენ, თუალუხვავო მსაჯულო სიმართლისაო;

გიხაროდენ, ჯუარისმტვირთველო დაგლახაკებულისა
ერისაო;

გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 2

იყავ რაი ფრიად წარჩინებული კარისკაცი
კონსტანტინე დიდისაი, თანა-წარჰყევმას ჰრომითგან
კონსტანტინეპოლეს, და ერთგულებითა მსახურებდი
კეთილმსახურსა მას მეფესა, გარნა აღრჩეულ იყავ რაი
ქრისტეის მიერ მსახურად მისად, აღვსილმან შურითა
საღმრთოითადაუტევე დიდებაი მსოფლიოი და
აღიძარ შერთვად მხედრობასა მისსა, აწ ჩუენცა
შეგვეწიე, სანატრელო, რაითა ყოველთა
მართლმორწმუნეთა კეთილად განგუემარჯვოს და
ლოცვაი ჩუენი აღიწიოსწინაშე ღმრთისა: ალილუია.

იკოსი 2

იქმენ რაი ხელდასხმულ ხუცესად, პატიოსნებითა
აღასრულებდი ღმრთისმსახურებასა, ნეტარო, და
სამწყსოსა შენსა უჩვენებდი რაი გზასა მას
ცხორებისასა, ღმობიერობითა გულისაითამარადლე
ილუწიდი მშვიდობით დაცვისათვის ქურივთა და
ობოლთასა, ნუგეშსა-სცემდი მწუხარეთადა სნეულთა,
და ფარულად შეეწეოდი უპოვართა და პყრობილთა,
ეგრეთვე აწ მეოხ გვეყავ წინაშეღმრთისა, რაითა
დაგვიცვას უძლურებათაგან, და სინანულისა მიმართ
წარგვიმართოს შემსხმელთაშენთა და მაქებელთა:

გიხაროდენ, ხეო მრავალნაყოფიერო, ნერგად
მოლუაწებისად აღორძინებულო;
გიხაროდენ, გულითა განწმედილო და სულითა
განათლებულო;
გიხაროდენ, სიკეთითა და კაცთმოყუარებითა
განშუენებულო;
გიხაროდენ, მოწყალებითა, სიმდაბლითა და
სიმშვიდითა შემკულო;
გიხაროდენ, გულსა შინა შენსა საღმრთოისა შიშისა და
მოყუასისა სიყუარულისადამწერგველო;
გიხაროდენ, შეჭირვებულთა სულთა მსწრაფლ-შემწეო
და ხელის-აღმპყრობელო;
გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 3

იტყოდი რაი „კაცთათვის მსახურებაი მსახურებაა
ღმრთისაი“, ნეტარო, სახლიცაშენი ყავ სავანედ
ქურივ-ობოლთა და გლახაკთა, რამეთუ უშურველად
გამოზრდიდი, და იცევდირაი ცოდვათაგან ბოროტთა
და უძლურებათაგან, მღდელთა შორის განთქუმულ
იქმენ სიმაღლითამით მოწყალებისაითა, და კაცნი
სახელ-გდებდენ „მზრდელად ობოლთასა“, ეგრეთვე
აწ გამოზარდესული ჩემი პურითა გულისხმის-

ყოფისაითა და მომეც მე სლვაი კეთილ სახედ
სოფელსა ამასშინა, რაითამცა ვდგეთ მტკიცედ და
შეურყევლად გზასა მას ზედა ქრისტეის ღმრთისასა
დავაქებდეთ ძალსა და ძლიერებასა მისსა: ალილუია.

იკოსი 3

ზეობასა მას კოსტანტინე მეფისასა მძვინვარებდა რაი
კეთრი სამეუფოსა მას ქალაქსა, ბრძანა ყოველთა
კეთროვანთა მოშობაი ზღუასა შინა, ხოლო შენ გესმა
რაი უწყალოი ესე განჩინებაი, ზეგარდამოისა
ძალისაგან გულსავსე-ქმნულმან განიზრახე გამოხსნაი
მათი უმსჯავროისაგანსიკუდილისა და წარსდეგ რაი
წინაშე თვითმპყრობელისა მის მეფისა, გამოითხოვე
დიდძალისაფასეი, რეცა შესასყიდად პატიოსანთა
თუალთა საჭურჭლისათვის მისისა, ამისთვის
კეთილქებისაგალობითა შეგასხამთ შენ, ვითარცა
მამასა მოწყალესა და მღდელსა ჭემმარიტსა:

გიხაროდენ, საღმრთოო ტარიგო, პირმეტყველთა
კრავთა დამწყსველო;

გიხაროდენ, მწყემსო სულიერო, განბნეულთა
ცხოვართა შემკრებელო;

გიხაროდენ, მსგავსად აბრაჰამისა უცხოთა
შემწყნარებელო;

გიხაროდენ, გლახაკთა შესავედრებელო და შიშველთა
შემმოსელო;

გიხაროდენ, ჩაგრულთა ქომაგო და
მსწრაფლშემსმენელო;

გიხაროდენ, ღმრთისმოყუარეთა გულთა შინა
მადლისმიერისა სიხარულისა მიმფენელო;

გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 4

ჰოი, განსკრთომელი სიმხნეი და სიქველეი, რამეთუ
ლოცვითა მხურვალითა საღმრთოდშეჭურვილმან
მსწრაფლ მიიწიე ნაპირსა მას ზღვისასა, და სიკუდიდ
განწირულნი კეთროვანნიიყიდნე რაი სამეუფოითა
საფასითა, იდუმალ დაამკვიდრე იგინი სახლსა შენსა
და გამოზარდე, ვითარცა მწყემსმან კეთილმან,
ეგრეთვე აწ თავს-მდებ და დამგებელ ღმრთისა
მიმართ გუექმენჩუნ და აღმასუბუქებელ სიმძიმესა
ცოდვათასა, რაითა მსწრაფლ განვიღვიძოთ მსგავსად
ნინეველთაისადა გულსმოდგინებითა შევკრბეთ
ყოველნი გალობად ღმრთისა: ალილუია.

იკოსი 4

იყავ რაი მოძღუარი ბრძენი, კეთილად მზრახვალი და
შემკული საღმრთოითა მგზებარებითა, არა ეც ძილი
თუალთა შენთა, და არცარა ჰრული წამთა შენთა,

ვიდრემდის სრულ ჰყავ საქმეიგი ღმრთივშუენიერი,
- აღაშენე სამოთხეი ქრისტეისი - სახლი შენი,
ვითარცა საღმრთოიკარავი მოწყალებისაი, რომელსა
შინა განაძლიერენ კეთროვანნი და უძღურნი
კურნებათა შენთამადლითა, აწ ჩუენცა დაგვიცევ
ყოვლისაგან ჭირისა და ამოისაგან სიკვდილისა,
რათა მადლთადა ნიშთა შენთა სიმრავლისა
მაქებელნი არა დავდუმნეთ ქებად სიმხნისა შენისა და
სიმტკიცისა:

გიხაროდენ, ქრისტეისმიერისა სიყუარულისა
აღმასრულებლო;

გიხაროდენ, წარწყმედულთა დაულალავად
მეძიებლო და ღმრთისად მიმყვანებლო;

გიხაროდენ, შეცოდებულთა ლოცვად აღმძრველო და
უნანელთა მარცხვენელო;

გიხაროდენ, ღმრთისმსახურთა და ერთა შორის
მრავალთა მანკიერებათა აღმომფხურელო;

გიხაროდენ, სიცრუისა თანაზიართა მამხილებლო და
უსამართლოთა ბჭობათა დამარღვეველო;

გიხაროდენ, სიმართლის მოძულეთა და ბოროტის
კეთილად დამდებთა შემრისხველო;

გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებლო, წმიდაო ზოტიკე ხუცესო!

კონდაკი 5

შემდგომად კონსტანტინე დიდის სიკუდილისა, საყდარსა მისსა ზედა აღზევდა ძეიმისი კონსტანციუს, შედგომილი ცრუ სწავლებასა არიანელთასა, და მოგიძულა მან ერთგულებისათვისჭემმარიტისა სარწმუნოებისა, რამეთუ სიყუარულითა განსწავლიდი ყოველთა, რაითა ბოროტსაწვალებასა განემორონ და სულისა თვისისათვის ზრუნვიდენ მოწყალებითა, ლოცვითა, და მარხვითა, აწცა ევედრე ქრისტესა, მხსნელსა ჩუენსა, გამოავლინოს ღირსნი მოღუაწენი და მოქმედნისამკალსა თვისსა, განსანათლებელად ყოველთა, რაითა ადიდებდენ მას, ვითარცა მეუფესა დაღმერთსა: ალილუია.

იკოსი 5

ხატად სათნოებისა და სიკეთისა გამოსჩნდი შენ, ღმერთშემოსილო, და არცა ჰრიდებდირაი ქედფიცხლობასა მწვალებელისა მის მეფისასა, მხსნელ ექმენ ასულსაცა მისსა, დასნეულდარაი კეთრითა, და იგიცა წარიყვანე სახიდ თვისად ვითარცა მამამან კეთილმან, და ჩვეულებისაებრსიტკბოებისა შენისა ნუგეშინისცემდი და ზრუნევდი მას ზედა თანაღმობითა დიდითა, აწ ჩუენცათანამავალ გუექმენ, და შთანერგე გულთა შინა ჩუენთა შიში და მოძაგება ცოდვისაი და სიყუარულისათნოებისა,

რაითა საწუთოისა ცხორებისა გზაი კეთილად
განვვლოთ და გნატრიდეთ შენ სიყუარულითადა
სურვილითა:

გიხაროდენ, ეშმაკის ცთუნებათა მარხვითა და
მხურვალითა ლოცვითა დამშრეტელო;

გიხაროდენ, მძლავრთა უწყალოებისა თავსა შენსა
დამთხვევლო;

გიხაროდენ, უღონოთა და სნეულთა უწყალოისა
სიკუდილისაგან დამხსნელო;

გიხაროდენ, მრავალთა სულთა წარწყმედისაგან
გამომხსნელო;

გიხაროდენ, ყოვლისა კაცობრივისა შეწევნისაგან
მოკლებულთა განმამტკიცებელო;

გიხაროდენ, თვისტომთათვის თავისა გაწირვითა
ყოველთა განმაკვირვებელო;

გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 6

ოდეს მოიცვა სამეუფოი იგი ქალაქი სიყმილმან, ცილი
შეგწამეს მწვალებელთა, გხადოდენრაი ყოველთა
ძვირთა მიზეზად, ვითარცა მართლმორწმუნესა
მღდელსა და წინააღმდგომსა არიანელთასა, და
მოახსენეს მეფესა, თუ ვითარ მოგცა შენ დიდძალი

საგანძური მამამან მისმან, ხოლო გეძიებდარაი შეპყრობად, ნეტარო, მღდელობაი მარტვილობისა მიმართ განსცვლად მოისიბრძნე, და უშიშადწარსდგე რაი წინაშე მისსა, გკითხვიდა განძისათვის, და წარიყვანე რაი სახლსა შენსა, აჩუენე კეთროვანნი, წმიდაო, და ეტყოდი კადნიერად: „აჰა, მარგალიტნი ესე, რომელ მოვისყიდესამეფოითა მით საფასითა“, და ადიდებდი ქრისტესა, განმაბრძნობელსა შენსა: ალილუია.

იკოსი 6

იხილა რაი მეფემან სახლი შენი, ვითარ განსასუენებელი სულთა ურიცხუთაი, დასაწყალობელნი იგი კეთროვანნი ნაცულად პატიოსანთა თუალ-მარგალიტთა და იაკინთთა, უმეტესითარისხვითა აღეგზო და ბრძანა წმიდათა ფერხთა შენთა გამობმაი ჯორთა უხედნელთა, რაითა მოგაკუდინონგზათა ზედა მიმოთრევითა, გარნა შენ უახოვნეს იქმნებოდი წინა მდებარისა ღუაწლისა მიმართდა ადიდებდი ღმერთსა უმეტესითა მხურვალეებითა, აწცა მეოხ გვეყავ წინაშე მისა, რაითაკადნიერებაი მათი შეჰმუსროს, რომელნი უღმრთოებითა აღჭურვილ არიან მართლმორწმუნეთა ზედა, და გზასა მას მცნებათასა წარგვიმართოს მოსავთა შენთა და მაქებელთა:

გიხაროდენ, მაღლითა მხილებისა შენისაითა ერისა
სულიერისა ძილისა განმაფრთხოებლო;
გიხაროდენ, გამოუკვლეველითა მით სიბრძნითა
უგულისხმოთა გულისხმისყოფად განმკრძალველო;
გიხაროდენ, ქუად-ქმნილთა და ფიცხელთა გულთა
მომალბობელო;
გიხაროდენ, ქრისტეისმიერისა
სიმდაბლისამასწავლელო;
გიხაროდენ, მოყუასთა შემაერთებელო და მტერთა
დამლახვრელო;
გიხაროდენ, დიდთა სიქველეთა და სათნოებათა
შენთა დამფარველო;
გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 7

ჰოი, დიდებული სიმხნეი შენი, სანატრელო, რამეთუ
წარგიტაცეს რაი ჯორთა მათველსა ზედა, ქუათა მიერ
განპობილნი ხორცნი შენნი დაშთებოდა მათ ზედა,
ხოლო შენ არადჰრაცხვიდი ქრისტეისთვის ვნებასა და
წმიდასა სულსა თვისსა შეჰვედრებდი ქრისტესა
ღმერთსა, რომელმანცა შეგროთო დასსა მას
მარტვილთასა, და მოგანიჭა მაღლი მოსავთა შენთა
შეწევნისაი, აწ მოიხილე ჩუენ ზედა სიტკბოებით,

რათა არა მივიდრიკოთ უსჯულოებისადმი, და ღირს-ვიქმნეთდიდებად ღმრთისა: ალილუია.

იკოსი 7

ჰოი, ვითარი სასწაული ყო შენ თანა ღმერთმან, რამეთუ კაცებრ აღამეტყველნა უტყუელნიიგი პირუტყუნი და მათ მიერ არცხვინეს კონსტანციუსს, მოკუდინებისათვის შენისა, ხოლოუფროის განკვირდეს მეფეი და ყოველნი მის თანანი, ოდეს ადგილსა მას სადაცა დაითხია წმიდაისისხლი შენი, აღმოედინა წყაროი სასწაულთმოქმედი, სარწმუნოებითა მხუმეველნი მისნი მოიღებდენრაი სულთა და ხორცთა ლხინებასა, ამბორს-უყოფდენ პატიოსანთა წყლულებათა შენთა ცრემლითადა შეგამკობდენ ქებითა:

გიხაროდენ, მოღუაწებისა უცთომელითა სიმხნითა შეჭურვილო;

გიხაროდენ, სულიერისა მღვიძარებისა ზარისა დამარისხებელო;

გიხაროდენ, მოწევნულთა განსაცდელთა ახოვნად თავს-მდებელო;

გიხაროდენ, კიცხვისა და ტანჯვისა ლოცვითა დამთმენელო;

გიხაროდენ, უძლურითა ხორცთა ბუნებითა ფიცხელთა სატანჯუელთა მიმთუალველო;

გიხაროდენ, აღბორგებულთა მწვალებელთა
მარცხვენელო;

გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 8

იხილნა რაი სასწაულნი ესე მეფემან, სირცხვილეულ-
იქმნა ფრიად და ბრძანა რაიდამარხვაი შენი
პატივითა, მრავალმოღვაწეი გუამი შენი შემურნეს
ნელსაცხებლითა, და დაკრძალესრაი ადგილსა
ჯეროვანსა, უშურველად აღმოაცენებდი კურნებასა და
მადლსა ჭემმარიტსა, ხოლო სენტა და განსაცდელთა
მიერ შეიწრებულნიმარადის მიივლტოდენ რაი
მიმთხვევად სამარხოსა შენსა, გმადლობდენ შენ -
მიმღებელნი ლხინებისა, და ადიდებდენ ქრისტესა,
ღუაწლისდამდებელსა შენსა: ალილუია.

იკოსი 8

ქუეყნიერი სრბაი შენი სიმხნითა აღასრულე და
განახუნე რაი კარი
მღდელმოწამეობისაი, ბრწყინვალედ განშუენებული
წარმოუდეგ უფალსა, რომელმან შემდგომად
სიკუდილისაცა კეთროვანთადა გონჯთა
მწყალობელად და განწირულთა მწედ გამოგაჩინა,

აღუშენა რაი მეფემან სასნეულოიმოსახსენებლად
სიქუელისა შენისა, ხოლო ცხორებაი შენი და საქმენი
საკვირველნი აღწერნესმოყუარეთა შენთა, რაითამცა
ყოველნი გიგალობდეთ, ვითარცა სახელოვანსა და
საკვირველსამოწამესა:

გიხაროდენ, ახოვანო და უძლეველო, სულისა
თვისისა თვისტომთათვის დამდებელო;

გიხაროდენ, ღუარითა სისხლთა შენთაითა მძლავრთა
სიცბილისა დამშრეტელო;

გიხაროდენ, უსჯულოისა მის მსჯავრისა და რისხვისა
საღმრთოისა დამაყენებელო;

გიხაროდენ, მწყემსო კეთილო და მღვიძარეო,
სამწყსოისა შენისა უვნებელად დამცველო;

გიხაროდენ, სიტყვითა ტკბილო და ზრახვითა
საწადელო, სიძულვილისა და
შფოთისადამაწყნარებელო;

გიხაროდენ, სულითა ძლიერო, ხორციელად
ძლიერთა ხელმწიფეთა მძლეველო;

გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 9

ყოველსა ქუეყანასა ზედა განითქუა თავდადებაი შენი
საკვირველი, თუ ვითარ ზრუნვიდიქურივ-

ობოლთათვის და კეთროვანთა, და წმიდაი სისხლი
შენი დასთხიე ხსნისათვის მათისა, აწ იხილე
ურიცხუთა მტერთა საფრხენი ბოროტად განფენილნი
ნათესავსა ამას ჩუენსა ზედადა გვიხსენ
ურთიერთმძლავრებისა და შინა-განცემისაგან, რაითა
სიყუარულითა ღმრთისაითაერთ ზრახვად შეკრულნი
მარადის ვსძლევდეთ ყოველთა მბრძოლთა მათ
ჩუენტა და ღუაწლითა შენითაახოვან ქმნილნი
ვაქებდეთ გვირგვინოსანმყოფელსა შენსა, ქრისტესა
ღმერთსა: ალილუია.

იკოსი 9

იყავ რაი პატიოსანი მღდელი, ზოტიკე, უზეშთაეს
იღუაწე კაცობრივისა მის ბუნებისაუძლურებითა, და
სახელი შენი განადიდე რაი საღმრთოითა მით
მოქალაქობითა, სამართლად შეგრაცხაეკლესიამან
დასსა მას წმიდათასა, რამეთუ არა დაკლებულ იყავ
მათგან არცა სარწმუნოებითა, არცა მოღუაწებითა და
არცა კადნიერებითა წინაშე ღმრთისა, ამისთვისცა
მეოხად მიგავლენთმისა მიმართ, რაითა შეგვინდოს
ყოველნი ცოდვანი და უსჯულოებანი ჩუენნი, და
ღირს-გვყოსქებად და გალობად სიწმიდისა შენისა:

გიხაროდენ, ახოვანო მღდელო და მოწამეო,
აღმძრველო მამაცობისაო;
გიხაროდენ, მასწავლელო მოწყალებისა და

სულგრძელებისაო;
გიხაროდენ, დიდ-ხელოვანო მტერთა უბრძოლველად
ძლევისაო;
გიხაროდენ, ღუაწლითა შენითა კეთილად
სრულყოფილო საღმრთოისა სარბიელისაო;
გიხაროდენ, ჭეშმარიტო ხატო ძუელთა მამათა
კეთილმსახურებისაო;
გიხაროდენ, შუენებაო მარტვილთა ბრწყინვალისა
დასისაო;
გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 10

მადლი მოგეცა, ღირსო მამაო, ღმრთისა მიერ
განკურნებად უძლურთა, დახსნილთა, განხმელთა და
განბოკლებულთა, რომელნი იგი ვითარცა მეგობარმან
ქრისტეისმან შეიწყნარენდა მხურვალემან ლოცვამან
მათმან და ქურივ-ობოლთა ცრემლთა მდულარედ
დათხევამან, წმიდაო, ტაძრად საღმრთოდ უბიწოდ
გამოგაჩინა და განგიხუნა რაი ბჭენი სასუფეველისანი,
აწ ბრწყინვალედიხარებ წინაშე ღმრთისა, და
განსაცდელთაგან იხსნი, რომელნი სარწმუნოებითა
ითხოვენ შენმიერ შეწევნასა და ადიდებენ ძალსა
მისსა: ალილუია.

იკოსი 10

ნიშთა მიერ შემდგომად სიკუდილისაცა ჰქადაგებ
უძლეველსა ძალსა ღმრთისასა, მოსავთამისთა ზედა
განცხადებულსა, მამაო, და აწ მადლობაი გვიღირს
მისა მიმართ, რამეთუ შენმიერ მოველით განქარვებასა
ყოველთა ჭირთა და უმეტეს ცოდვათა და
უშჯულოებათა ჩუენთასადა ვესავთ
მრავალმოწყალებათა მისთა, რაითა არა გაგვწიროს
ოხითა შენითა და მოგუცეს ძლევაიხილულთა და
უხილავთა მტერთა ზედა და ღირს გვყოს ქებად და
გალობად შენდა:

გიხაროდენ, ღმრთისმსახურებისა ღუაწლისა
კეთილად მომმუშაკებელო;

გიხაროდენ, მოყუასთა ზედა ბოროტისა ყოფად
აღძრულთა მარცხვენელო;

გიხაროდენ, მიუთხრობელთა ჭირთაგან მრავალთა
განმარინებელო;

გიხაროდენ, სნეულთა და დავრდომილთა სულიერისა
სიმხნისა განმამტკიცებელო;

გიხაროდენ, გლახაკთა შესავედრებელო და
ჭირვეულთა და ძვირ-ხილულთა ხელის-
აღმპყრობელო;

გიხაროდენ, განსაცდელთა და ღელვათა
დამაყუდებელო;

გიხაროდენ, სიყუარულისათვის ღმრთისა და ერთგულებისათვის მოყუასისა თავისათვისისა დამდებელო, წმიდაო ზოტიკე ხუცესო!

კონდაკი 11

ტაძრად ყოვლადწმიდისა სულისა გიგნობთ, ჰოი, ღირსო მამაო ზოტიკე, რამეთუ უახოვნესიაჩუენე რაი ღუაწლის-მოყუარებაი, თავს-იდევ მარტვილებრივი სიკუდილი მოლოდებითა საუკუნოისამის ცხორებისაითა, და ჰსუფევ რაი წინაშე ღმრთისა, გვითხოვე მისგან ხსნაი საფრხეთაგანეშმაკისათა და ბოროტებისაგან კაცთაისა, რაითა სიყუარულითა და მშვიდობით ვცხონდებოდეთდა ვაქებდეთ ღმერთსა სულითა და ჭეშმარიტებითა: ალილუია.

იკოსი 11

ქრისტეს ახოვან მხედრად განსცხადდი რაი ასპარეზსა მას ვნებისასა, მცხინვარებაისიმხნეთა შენთაი ცისკროვან-ჰყოფს გულსა მარტვილთმოყუარეთასა და გევედრებით, მღვდელმოწამეოზოტიკე, შეგვეწიე წინაშე ღმრთისა, განაქარვოს რისხვაი აღდგომილი ჩუენ ზედა, სიმრავლისაგანცოდვათა ჩუენტასა, და ლაზარესაებრ აღგვიდგინოს მამული ჩუენი - საქართველო - პირველსავედიდებასა, რაითა არა დასათრგუნველ ვიქმნეთ მარბიელთა უცხო ტომთა და

ნათესავთაგან დაგულსმოდგინებითა გნატრიდეთ შენ,
მღდელობისა და მარტვილობისა მრჩობლ-
გვირგვინითა განშუენებულსა:

გიხაროდენ, უფლისაგან არაწმიდათა სულთა ზედა
ხელმწიფებისა მიმღებელო;

გიხაროდენ, საუნჯეთაგან სულისა წმიდისათა
სულიერთა ნიჭთა უხვად მომმადლებელო;

გიხაროდენ, ვარსკულავო, ხსნისა მეძიებელთათვის
გზისა მაჩუენებელო;

გიხაროდენ, მვედრებელთა შენტა მსწრაფლ-შემწეო
და წყალობისა მომნიჭებელო;

გიხაროდენ, შენდამი მოლტოლვილთა ვნებულთა
სულთა შემწყნარებელო;

გიხაროდენ, კეთილთა თხოვათა აღმასრულებელო და
უჯეროთა ლტოლვათა აღვირ-მსხმელო;

გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელო, წმიდაო ზოტიკე ხუცესო!

კონდაკი 12

იობის მსგავსად შემძლებელ იყო ღმერთი განრინებად
შენდა ყოვლისაგან ჭირისა, გარნა ეგზებოდი რაი
სარწმუნოებითა მართლმადიდებლობისაითა,
ვითარცა ოქროი პატოოსანი, მიგცა ბრძმედთა მათ შინა
წამებისათა, და შუენიერებაი სულისა შენისაი

ყოველთა სახილველადგამოაბრწყინვა, აწ მოწყალე-
ჰყავ ჩუენ ზედა მართლ-მსაჯული იგი უფალი, რაითა
არა გარდავხდეთგზისაგან სიმართლისა და
ჭეშმარიტებისასა და ვადიდებდეთ დამბადებელსა
ქუეყანისა და ზეცისასა:ალილუია.

იკოსი 12

არა თუ სოფლიურისა დიდებისთვის დასდევ თავი და
სული შენი, ჰოი, ზოტიკე სანატრელო,არამედ
სამწყსოისათვის ქრისტეისა, ხოლო აწ მგელნი
მტაცებელნი გარე მოგვადგეს სიტყვიერთაცხოვართა
განხრწნად, გარნა შენ შეგვეწიე, ყოვლად ქებულო, და
დაღათუ არა ვართ ღირს ცოდვათაამათ ჩუენტათვის,
ვითარცა მღდელმოწამემან ითხოვე ქრისტეს მიერ
შეურყევლად დაცვაი ეკლესიათაიდა მოცემად
ჯუართა ძლევაი ერსა ჩუენსა, სიმტკიცეი
მორწმუნეთა და დიდი წყალობაი შემსხმელთაშენთა
და მაქებელთა:

გიხაროდენ, უძღურთა ძლიერებაო და მძლავრთა
დამცემელო;

გიხაროდენ, ბორგნეულთა შემაბრკოლებელო და
უგულისხმოებისა მათისა დამშრეტელო;

გიხაროდენ, პატიოსნებისა და მამაცობისა
დამნერგველო;

გიხაროდენ, სასოებითა მტკიცითა წინააღმდგომთა

სიბოროტისა წარწყმედელი;
გიხაროდენ, ქედფიცხელთა და გონებაურჩთა
განმსწავლელი;
გიხაროდენ, კეთილად განკრძალულთა მღდელთა
ნუგეშო და ხელისაღმპყრობელი;
გიხაროდენ, სიყუარულისათვის ღმრთისა და
ერთგულებისათვის მოყუასისა თავისათვისისა
დამდებელი, წმიდაო ზოტიკე ხუცესო!

კონდაკი 13

ჰოი, წმიდაო მღდელმოწამეო ზოტიკე! უწყით რაი
ოხათა შენთა და მოწყალებათა
სიმრავლეი,სიყუარულითა მოგიძღუნით
სამადლობელისა გალობასა და გევედრებით
სასოებითა შეწევნისაშენისაისა, აწ მამობრივითა
კადნიერებითა გვიოხე წინაშე ღმრთისა, არა
განგვსჯოს ჩუენუსჯულოებათა ჩუენთაებრ, და
უვნებელად დაგვიცვას ცოდვათაგან ბოროტთა და
უძღურებათაგან,რაითა დაუღამებელსა ნათელსა
ღმრთისასა მივიწივნეთ და შენ თანა ვუგალობდეთ
ღმერთსა:ალილუია.

ეს კონდაკი 3-გზის, შემდეგ იკოსი 1 კონდაკი 1

